

SEGUNDA CARTA DEL APÓSTOL SAN PABLO A LOS CORINTIOS

Pablo escribe a la iglesia de Corinto

1 ¹Yu Pablo, mani yau Timoteo mena mujaare jā queti joo ati pūurore. Corintopu cāna Jesucristore caapiujarāre, to bairi nipetiro Dio yarā Acaya yepa macana quenare jā uca joo. Jesucristo ye quetire buio teñari majocu yu ā, Dio yure cu cacūricarore bairona. ²Mani Pacu Dio, mani Upau Jesucristo mena caroaro mujaare cu joato. Caroaro muja cāni yeri wariñuupe quenare cu joato.

Sufrimientos de Pablo

³Dio mani Upau Jesucristo Pacu caroau majuu āmi. Mani bopaca tujunucumi. Mani catugooña ocabutiro manire átinucumi. ⁴To cānacā nina mani capopiye tamuro mani catugooña ocabutiro átinucumi Dio. To bairi mani quena aperā capopiye tamuorāre na catugooña ocabutipere mani átinemo maji. Tugooña ocabutiriquere Dio manire cu cajoore bairona mani quena na catugooña ocabutipere mani joo maji. ⁵Jesucristo cu capopiye tamuriquere bairona mani quena mani popiye tamunemo. To bairi mani capopiye tamurije netoro mani catugooña ocabutipe macare mani joonemomi Cristo. ⁶To bairi mani popiye tamunucu. Muja catugooña ocabutiro boorā, to bairi caroorije muja cātinucurijere Dio muja yerire cu wajoato irā jā popiye tamuo, Jesu ye quetire buio teñabana. To bairi Dio tugooña ocabutiriquere jāre cajou muja quenare tugooña ocabutipere joogumi. Mujaare netoogumi Dio. To bairi jā capopiye tamurijere bairona muja quena popiye tamuorā muja tugooña ocabutigarā. ⁷Jāre bairona muja capopiye tamuro muja catugooña ocabutiro átigumi Dio muja quenare. To bairi caroaro muja cabaipere jā majituga.

⁸Yu yarā, Asiapu ānaa seeto jā capopiye tamuriquere muja camajipere jā boo. Seeto majuu jā capopiye tamowu. Dope bairo jā cāti majiquēru. “Mani bai yajigarā,” jā caī tugooñawu. ⁹“Jesu ye quetire mani cabuio teñarije wapa mani jāgarāma,” jā caī tugooñawu. Dio cabai yajiricarāre catunu catio majii jetore na tugooña tutuato ĩro to bairo cabaiwu jāre. “Jā majuuna catugooña ocabutirā jā ā,” na ĩ tugooñaqueticōato ĩro cabaiwu. ¹⁰Dio jā cabai yajibopere canetoowī. “To bairona jā netoonucucōami,”

Diore jā ī tūgooņa nūcūbugo. ¹¹ Diore jāre mūja cajanibojanucuata to bairona jā netoonucucōagumi Dio. Capāarā Diore cajanibojarā, jāre caroaro cū cātinemuro tujurā camaja capāarā majuu, “Caroaro majuu nare āami,” Diore ī wariņuugarāma.

Por qué Pablo se tardó en ir a Corinto

¹² Ape wame quenare seeto jā tūgooņa wariņuuu. Ati yepa ānaa itori mee caroaro jeto jā cātinucuwu. Mūja tūpu quenare to bairona jā cāpú. To bairi caroaro jā tūgooņa. Jā majuuna jā camajirije mena jā cātiqēpu. Dio maca jā cātinemowī. ¹³ Mūjaare uca joorā caroaro mūja caapi majipe jetore jā ucanucu. Ricati camajiriorijere jā uca jooquetinucu. To bairi tiere caroaro mūja caapi majipere jā boo. ¹⁴ Carecomaca mūjaare jā cauca jooriquere mere mūja api maji bairā pu. To bairi ape rūmu mani ŪpaŪ Jesucristo ati yepa cū catunu ejari rūmu mani ani wariņuugarā. Pablo jāa caroaro jāre cabuiowā irā mūja wariņuugarā. Jā quena caroaro jā cabuiorijere caapi nūcūbugowā Corinto macana irā caroaro jā wariņuugarā.

¹⁵⁻¹⁶ To bairi yu mena tūgooņa wariņuurāma īi nemoona mūja tūpu yu cāaāgabapu. Macedoniapu aācu na yu tūju neto aāgu Corinto macanare, yu cāi tūgooñabapu. Tunu acú quena na yu tūju bapoogu, yu cāi tūgooñabapu. To bairi pugani nare yu catūjuro seeto wariņuugarāma, yu cāi tūgooñabapu. To bairi Judea yepapu yu cāaāpe quenare yure ātinemogarāma, yu cāi tūgooñabapu. ¹⁷ Mūjaare itogu mee, “To bairo yu baigu,” mūjaare yu cāibapu. Cariape tūgooñari meena īricumi, to bairo itocōau īricumi, zyure mūja ī tūgooñati? Noo booro cācu canūcūbugoquēcu ācumi, to bairi yoaro mee nairocā cū cāirijere wajoaumi, zyure mūja ī tūgooñati? ¹⁸ Dio maca nipetiro mūjaare jā cabuiorijere majiimi. Mūjaare buiorā itorique mena jā buioquetinucu. Cariape jeto mūjaare jā buionucu. ¹⁹ Jā itiarāna, yu Pablo, Silvano, Timoteo mūjaare jā cāi buionucuwu Dio Macu Jesucristo cū cāniere. Jesucristo quena cū cabuiorije cawajoaquējupi. Nipetiro cū Wadarique cariape jeto ā. To bairi jā quena jā itoquetinucu. ²⁰ Jesu maca, “To bairo yu ātigu,” Dio cū cāi cūricarore bairona cāti peon āmi. To bairo cācu cū cāno, “Cariape cācu āmi Dio,” cūre mani ī nūcūbugo wariņuunucu. Jesucristo cū cabaipe Dio cū cāi buio jugoyeyericarore bairona cabaiwu irā Diore mani ī nūcūbugo wariņuunucu. ²¹ Diona jā cabeje cūñupi cū yarā cāniparāre. Mūja quenare to bairona mūja cabeje cūñupi Dio. Tūgooņa tutuarique quenare manire cajooyupi Dio cūre mani canūcūbugocōa aninucuparore bairo. ²² Cū yarā cāniparāre manire beje cūri cū Espiritu Santore manire cajooyupi Dio. “‘Apeye nipetiro mūjaare yu joogu,’ yu cāi cūrique cōo jooguimi,” na ī majiatio īi, manire cajooyupi Dio cū Espiritu Santore.

²³ Apeye cariape mūjaare yu ī Dio cū catūjuro. Mūja tu Corintopu aāgabacu quena yu cāaāquēpu, tutiire bairo na yu ībou īi. To bairo yu cāiro jutiritiborāma ībacu yu cāaāquēpu. ²⁴ To bairi mūjaare carotirāre bairo, “Ocōo bairije jetore tūgooņa nūcūbugoya,” mūjaare jā īquetinucu. Caroaro Jesu ye quetire mūja tūgooņa nūcūbugocōa aninucu. To bairi caroaro cāni wariņuurā na āmaro irā mūjaare ātinemorā jā ātinucu.

2 ¹ Tirūmūpu mūja mena ācupu mūja cajtirititiro yu cāpú. To bairona jutiritiborāma tunu ībacu mūja tūpūre yu cāaāquēpu. ² Mūja jeto yu cawariņuupere mūja ātinucu. To bairi mūja tūpu ejaū mūja cajtirititiro yu cāpata űuquetiboro. To bairi yu quena mūjaare bairona jutiritiri

yɛ ejabou. ³To bairi mɔja tɔpɔ aáquɛcɔna queti joorica pũuro jetore yɛ cauca joowɔ. Nuuqueto na cáti aniere na quenoo jũgoato íbacu yɛ cáááquɛpɔ. Tiere na caquenooro bero yɛ aágu, yɛ caí tũgooñawɔ. Na caquenoquɛtona na tɔpɔ yɛ caejaata yɛ wariĩnuuquetibou. Seeto tũgooñarique pairique mena mɔjaare í tutiire bairo yɛ baiboricu. Na tɔpɔ ácu yɛ cawariĩuuro na quena wariĩuuborãma, yɛ í tũgooña. ⁴To bairi queti joorica pũurore mɔjaare uca jou seeto tũgooñarique pairi yɛ caotiwɔ. Na tũgooñarique paiato ñi mee mɔjaare yɛ cauca joowɔ. Mɔjaare yɛ camai tũgooña netorije macare na majiatio ñi yɛ cauca joowɔ ti pũurore.

Perdón para el que había hecho mal

⁵Mɔja mena macacɔ rooro cátibatacɔ maca yɛ jeto meere yɛ cajutiritiro yɛ cámi caroorije cɔ cátaje jugori. Mɔja quena mɔja cajutiritiro cájupi. To bairo ñi seeto majuu í netogu mee yɛ í. ⁶To bairo cátaçure yɛ caí rotirore bairo mere mɔja caneñaporopɔ cũre mɔja capopiyeyeyupa. To bairi yucɔ cɔ cayeri wajoaro tũjurá to cõona cɔ popiyeye janaña. ⁷To bairi caroorije cɔ cátaçere majirioya. Cɔ catũgooña ocabũtiro ája, jũtiriti netobacɔ ñuu majiquetiboumi írã. ⁸To bairi ocõo bairo mɔja cátipere yɛ boo. Cũre mɔja camairijere cɔ íñoõna tunu. ⁹Cajũgoye mere mɔjaare yɛ cauca joowɔ, ¿cariapena yɛ cáti rotirore bairona na ánaati? í majigu. ¹⁰Nii rooro mɔjaare cáçure mɔja camajirioata yɛ quena cũre yɛ majirioyu. To bairi cũre camajiriope to cámeta Jesucristo cɔ catũjuro cũre yɛ majirioyu. Caroaro mɔja cãniparore bairo ñi to bairo yɛ átigu. ¹¹Caroaro cũre mani camajirio Sataná mani áti neto majiquetigumi. Caroaro mani maji Sataná rooro manire cɔ cátagarijere.

Intranquilidad de Pablo en Troas

¹²Troa cawamecuti macapɔ mani Ƴpau Jesu ye quetire buio ejaɔ caroaro yɛ cabuiorijere caapigabama capãarã to macana. ¹³Caroaro yure na caapigarije to cãnbato quena yoaro topɔ yɛ catuaquɛpɔ. Tito, yɛ mena macacure topɔ bũgaquetibacɔ seeto yɛ catũgooñarique paiwɔ. Cũre yɛ catũjuata mɔja cãnie quetire yure buioboricumi. Tiere queti apiri yɛ tũgooñarique paiquetiboricɔ yua. To bairi Troa macanare na átaje ui, atopɔ Macedonia yerapɔ yɛ cááácoapɔ yua.

Victoriosos en Cristo

¹⁴Yɛ catũgooñarique pairique to cãnbato quena Diore yɛ í wariĩnuu. Jesucristo jũgori caroaro mani cátipere mani átibojami Dio. Cɔ ye quetire mani cabuio ro manire camatagarã nipetirãre na netonucumi Dio. To bairi mani jũgori cɔ ye quetire aperã quena na caapi majiro áami Dio. To bairi caroaro cajuti ñuurije cajuti jejarore bairona nipetiropɔ jeja peticoapa Jesu ye queti quena. ¹⁵Jesucristo ye quetire aperãre mani cabuio ro caroaro mani tũju wariĩnuumi Dio. To bairi werea unie na cabuje mũgoro camaja nipetirã tie caroa cajuti ñuurijere wini majima. To bairona nipetiropɔ to cajejarore bairona Jesu ye queti quena jeja peticõa. Dio cɔ canetooricarã tɔpɔ, Diore cabooquẽna, cɔ capopiyeyeparã tɔpɔ to bairona jeja peticoa. ¹⁶Dio cɔ capopiyeyeparã maca cajuti jiarijere bairona ã Jesu ye queti mani cabuio ro. Dio cɔ canetooricarã macare caroa cajuti ñuurije cacaticõa aninucupere cajoorijere bairona ã, Jesu ye quetire mani cabuio ro. ¿Ni maca tie quetire to bairo bai, cɔ buio majicuti? Dio jeto mani cabuio

majipere mani joo majimi. ¹⁷Aperã capãarã Dio ye quetire noo cabooro buio teñama apeye canuni wapatanucuri majare bairona. Jã maca nare bairo jã baiquẽe. Dio cu cajooricarã aniri cu catujujoro cariape mũaare jã queti buionucu Jesucristo ye quetire.

El mensaje del nuevo pacto

3 ¹Dio ye quetire cariape jeto jã buionucu. To bairo jã caïro apirã, “Na majuuna na cátiere îcõarãma,” jãre mũa irã. Aperã maca, “Cariape î buioma Pablo jãa,” írica pũuro jãre na caucabojapa pũuro mũaare jã caiñooro booquẽto. Mũa quena, “Cariape caï buiorã áma Pablo jãa,” jãre mũa caï ucabojari pũurore jã booquẽe. Aperã maca to bairo áta pũurore boorãma, aperãre na caiñoopa pũuro. ²Jesucristore caroaro mũa caapi nũcubugoro tujurã aperã quena, “Cariape macajere î buioma Pablo jãa,” î majigarãma. To bairi aperã na caucabojari pũurore jã booquẽe. Mere jã majuuna ucabojaricarore bairona jã tũgoõña maji. Aperã nipetiro Jesure mũa caapiujaro tujuri, “Cariape na cabuioyupa Pablo jãa,” î tujũ majirãma. ³Jã jũgori Jesucristo ye quetire mũa caapiujaro caroaro majuu mũaare cátiobjayupi Jesu. To bairi mũaare tujuri, “Caroaro majuu Jesucristo nare cátiobjayupi,” mũaare î tujũ majigarãma aperã quena. To bairi Jesucristo papera pũuropu, “Caroaro áama Corinto macana,” aperã na cabuepa pũurore caucaquẽjupi Jesu. Û ta pãipũ Moisére Dio cu caucabojaricarore bairo cátiqẽjupi Jesucristo maca. Cu Espĩritu Santo mũa yeri macaje macare cawajoayupi, aperã caroaro mũaare cu cátiobjariquere na tujũnato ïi.

⁴Jesucristore caapi nũcubugorã aniri cariapena, “Jãre átinemomi Dio,” jã î maji. ⁵Dio ye quetire jã cabuiori wame jã majuuna catũgoõñari wame me ã. Nipetiro jã cabuionucuriye Dio cu carotiro jã buio maji. To bairi jã majuuna jã buio majiquẽe. Cu maca jã átinemonucumi. ⁶Cawama wame, “Camajare caroaro na yũ átiobjagu,” cu caï cũrica wame nare jã cabuio majiro átinemonucumi Dio. Cawama wame cu caï cũrica wame maca papera pũuropu, “Ocõo bairije caroare ája,” î uca turique me ã. “Espĩritu Santo jũgori caroare mũa áti majigarã,” î cũrica wame maca ã. Tirũmũpu macã wame Moisé cu caucarica wame jũgori, “Cabui pacoorã, cabai yajiparã mani ã,” mani î maji. Espĩritu Santo jũgori maca caroare áti majirique ã. To bairi caroaro catiriquere cajou ãmi Espĩritu Santo maca. ⁷Moisépũre Dio cu caroti cũrique ã ta pãiripũ ucarique cãñupa. Tiere cũri cu catutuarijere, caroau cu cãniere to macanare na caiñoõñupũ Dio. Caroau majuu cu cãniere ïñou, Moisé riya seeto caajiyaro cãjupũ Dio. To bairi Israel macana Moisé riya caajiyaro maca cu catujũ majiquẽjuparã. Cabero Moisé riya caajiyarije capeti nutuajupe. Ti pau cãno Moisépũre Dio cu cacũrique, “Tiere cátiqẽñare yũ popiyeyegu,” caï cũñupi Dio. ⁸To bairo ti wamere cũri caroaro majuu Dio cu cãniere cu caiñooro netoro majuu ïñoogũmi Dio, cu Espĩritu Santore manire jou. ⁹Ocõo bairo ã: Moisépũre Dio cu cacũrica wame caroa wame cãñupa, “Tiere cátiqẽñare yũ popiyeyegu,” írica wame anibato quena. To bairi Dio, “Caroorije manare na yũ tujũ Jesucristo jũgori,” manire cu caï cũrique maca seeto majuu cãñuu netori wame ã. ¹⁰To bairi Jesucristo ye cawama wame mani catujũ cõõñaata Moisé ãnacũ cu carotirique maca cawatoa macaje rotirique anicõa yua. ¹¹Moisépũre Dio cu carotirique nemoona capetipe cãñupa. Jesucristo ye queti maca capetiquetipe aniri tie netoro cãnie ã.

¹² Jesucristo ye cawama quetire mani caapijarije jğgori, “Jesucristo mani netoogumi,” mani i yuu maji. To bairi Jesucristo ye cawama quetire uwiricaro mano camajare jã buionucu. ¹³ Dio ye quetire buiori Moisé ãnacũ cũ cãtatore bairo jã átiqũe. Cũ riya caajiyarije capetiro Israel macanare na tũju rotiquẽcũ jutiro ajero mena cabugã tooyupũ. ¹⁴ Dio cũ carotiriquere Moisé cũ cabuioero Israel macana caapi puoquẽjuparã. Yucũ quenare na pãramerãpũ quena to bairona api majiqueticõama Dio nare cũ caqueti buibatajere. Dio ye queti ucarica pũurore buerã api puoquẽema. Jutiro ajero mena bugã tooricarãre bairo baima naa. Api puoquetibana ti ajerore cğgonucucõarãre bairo baima mai. Jesucristo jğgori jeto Dio ye quetire caapi majirã mani ã. Tere apirã manire cabugãbata ajerore carocaricarãre bairo mani ã yua. ¹⁵ To bairi yucũ quenare Moisé ãnacũ cũ caucariquere buerã judío maja na rupoare jutiro ajero mena na rupoare bugã tooricarore bairona anicõama. To bairi api puo majiquẽema. ¹⁶ Mani Upau Jesucristore mani caapijaro bero mani ruoa cabugãri ajerore ne wooricarãre bairo mani bai yua. To bairi cũ ye quetire mani yeripũ caroaro mani api maji, mani Upaure caapi nucubugorã aniri. ¹⁷ Mani Upau Jesucristo cũ Espĩritu Santo jĩcauna ãmi. To bairi Jesu cũ Espĩritu Santore mani jom caroaro mani cãnipere mani joomi. To bairi, “Moisé cũ carotiriquere mani cáti peoquẽtie wapa mani popiyeyegumi Dio,” i tũgoõnarique maa. ¹⁸ Mani Jesucristore nucubugorã jutiro ajero mena cabugã toorãre bairo mani aniquẽe mania. Dio cãniere caroaro catũju majirãre bairo mani tũgoõna maji. Dio cũ cãniere tũgoõna majiri eũoro caajiyaro catũju canamurãre bairo mani ã. To bairi Dio cũ cãniere aperã quenare mani iũoo neto maji. Cũ cãniere tũjurã seetobũja cũre bairo netobũjaro caroaro mani ani nutuagarã. Mani Upau cabauquẽcũ jğgori to bairo mani baigarã.

4 ¹ Jãre mai tũjuri atie jã paariquere jãre cacũwi Dio Jesucristo ye quetire jã cabuioerijere. To bairi jã tũgoõna ocabuti. ² Camaja bobooro átajere ãna yajioropũ na cáti uniere jã átiqũe. Itorique mena Dio ye quetire jã buioquẽe. Tere wajoari mee cariape jeto jã i buionucu. Nipetiro jã cátiere tũjumi Dio irã baujaro jeto jã átinucu. To bairo jã cátiere tũjuri, “Caroaro cána ãma,” jãre i majirãma camaja. ³ Noo Jesucristo ye quetire jã cabuioerijere caapi majiquẽna una Dio cũ capopiyeyeparã ãma. ⁴ Ati yepa macana Diore na caapi nucubugocquẽtie jğgori na upau Satanã cacapea tũju majiquẽnare bairo na catũgoõna majiquẽto áami. Jesucristo ye quetire api nucubugorema iĩ to bairo nare áami. Jesucristo, Dio cũ cãniere cacũgon majuu cũ ye queti caũuu netorijere na api majiqueticõato iĩ, to bairo na áami Satanã. ⁵ Atie quetire buiorã jã macare nucubugoya irã mee jã buionucu. Mani Upau Jesucristo macare na nucubugoaato irã to bairo mujaare jã i buionucu. To bairi mujaare paa coteri mujare bairona jã bainucu tere mujaare buiorã. ⁶ Dio nemoopuna ati yepa canaitiabatjere cabujuro cájupi. Tere cũ cãtatore bairona mani yeripũ cũ yere mani caapi majiquetibatajere mani caapi majiro cájupi. To bairi, “Caroau majuu ãmi Dio,” mani i maji yucura yua, Jesucristo quena caroau majuu cũ cãniere majiri.

El vivir por la fe

⁷Caroau majuu cũ cãniere mani camajirije paio majuu cawapacutie majuu ã. Mani majuuna cawatoa macana mani ã. To bairi rii mena áta ruri cawatoa cãni ruri to cãnibato quena cawapa pacarije oro cuiri

cajañari rurire bairona jā ā, Dio ye quetire cabuionucurā aniri. To bairi cawatoa cāna, catutuaquēna mani cānibato quena cu yere jā cabuio rotiwī Dio. Camaja maca na majuuna na catugooñarije jugori mee, “Dio cu catutua netorije jugori maca buioma,” jāre na ī tujuatō īi, jā cabejeyupi Dio. Cawatoa cāna jā cānibato quena jā cabejeyupi Dio cu ye quetire cabuioparāre. ⁸Popiye baibana quena, “¿Dope bairo mani ānaati?” jā īquēe. “Seeto tūgooñarique paibana quena dope bairo āti majiña maa,” jā īquēe. ⁹Camaja rooro jāre na cātigabato quena Dio maca jā mena aninucucōami. Jāre na catune roca cūrāre bairo jā bai. To bairo na cāna jā cānibato quena jāre āti re majiquēema. ¹⁰Noo jā cāaati paupū Jesucristore na cajīaricarore bairona jā quenare jā jīaganucuma. To bairo jāre na cātigabato quena jā anicōa mai. To bairo jā cabairijere tujuri camaja nipetirā, “Jesucristo cacati majuu na mena aninucucōami,” jā ī majima. ¹¹Noo jā cacatiri rumū cōona Jesucristo ye quetire jā cabuiorije wapa aperā jā jīagama Jesucristo yere caapigateerā maca. To bairo na cātigabato quena jā anicōa mai. Popiye tamuori jā cabai yajiri rupauri jugori Jesucristo cu cānaje cutiere majigarāma aperā. ¹²To bairo camaja jāre na cajīagabato quena jā maca caroaro Dio mena muja cānicōa aninucuparore bairo cātibojarā jā ā.

¹³Dio ye queti ucarica pūuropu ocōo bairo ī ucarique ā: “Diore yu tūgooña nucubugo. To bairi cu yere mujaare yu cabuiowu.” To bairona jā bai jā quena. Diore jā tūgooña nucubugo. To bairi cu ye quetire jā buionucu. ¹⁴Mani maji Dio Jesucristore cu catunu catioricarore bairona mani quenare mani tunu catiogumi. Jesucristo mena macana mani cāno mani quena to bairona mani ātigumi Dio. Manire tunu catiori jīcaro mena cu tūpu manire jee aāgumi. ¹⁵Nipetiro popiye jā cabairije cabaiyupa caroaro Dio mena muja cānīparore bairo. To bairi popiye jā catamuoro bero capāarā Dio ye quetire caapiujarā aninemogarāma. Na quena caroaro nare cu cātiere majiri, “Ñuu majuucōami Dio,” cu ī wariñuu nucubugogarāma.

¹⁶To bairi jā tūgooña ocabutīnucucōa. To cānacā rumū jā rupau cabucubato quena jā yeripu tūgooña ocabutiri netobujaro jā tūgooña ocabuti jugoye cutinucu. ¹⁷Ati yepapu ānaa jā capopiye tamuorije nemoona petigaro. To bairi ñee majuu me ā tiea. Ati yepapu ānaa popiye jā cabairije jugori netobujaro capetiquetipere jā bugagarā. ¹⁸Ati yepa macajere capetipe cāno maca seeto jā tujū ūjaquetinucu. Cabauquētie ūmurecoo macaje macare jā tujū ūjanucu. Mani catujurije ati yepa macaje capetipe ā. Ūmurecoo macaje mani catūjuquētie maca capetiquētie anigaro.

5 ¹Ati yepapu mani cacatiri rupau capetipa rupau ā, mani ī maji. Camajocu wiire cu cātibata wii caboa ñarore bairo mani rupau quena boa yajigaro. To bairo cabaibato quena Dio ūmurecoopū capetiquetipa rupaure quenoō yuūmi. Ti rupau maca camajocu ya wii caboa ñarore bairo capetipa rupau me anigaro. ²Ati yepa macá rupaure popiye baibana mani quepenucu. Ūmurecoopū mani cānipa rupau macare seeto mani wajoaganucu. ³Cawama rupau cūgo wajoari cawama jutii cajaanā wajoarāre bairo mani anigarā. To bairi carupau mana mani aniquetigarā. ⁴Ati yepa macá rupau to cānacā rumū popiye baibana mani quepenucu. Mani rupau to cōona to bai yajiato ī mee yu ī. Mani rupau cawama jutiro mani cajaanarore bairo to bai wajoaato īi yu ī. To bairi cawama rupau mani

cacugoro cāni jugori rupau maca nemoona ati yepapu bai yajigaro. ⁵ Diona to bairo caroaro majuu mani cabaipere caquenoo jugoyeyebojayupi. To bairi cu Espiritu Santo manire cajooyupi, cawama rupau mani cacugopere na maji jugoye cuparo ii.

⁶ Tere tugooñari Dio mena mani tugooña ocabutinucu. Ati yepa macá rupau mena ánaa Dio tũpũre mani aá majiquée, mani i maji. ⁷ To bairi umũrecoopũ mani cabaipere tũju majiquetibana quena Diore mani tugooña nũcũbugo. Cu tugooña nũcũbugori, cu caquenoo jugoyeyebojaricarore bairona baigaro, mani i maji. ⁸ To bairo i tugooñari mani tugooña wariĩuu. Nemoona mani Upau Dio mena anigarã mani cabai yajipere mani tugooña wariĩuu, cu mena mani cãno maca ñuu netoboro irã. ⁹ Ati yepapu catirã o bai yajiri bero quenare mani Upau Dio cu caboori wame jetore mani átiganucu. ¹⁰ Jesucristo cu cabejeri pau cãno mani nipetiro mani cátajere manire bejegumi. Manire bejeri to cãnacãurena ati yepa ánaa mani cátaje cõo caroaro o rooro mani cátajere manire wapa joogumi.

El mensaje de la paz

¹¹ To bairi, “Cariape to cãnacãurena wapa joogumi Dio,” cu i tugooña nũcũbugori camajare, “Jesu ye quetire apiujaya,” nare jã i buionucu. “Caroaro camajare buionucuma,” jã i tũju majiimi Dio jã cátinucurijere. Mũja quena mũja yeripu caroaro jã cátinucurijere mũja majigarã. ¹² “Aperã netoro caroaro cána jã ã,” ii mee mũjaare yũ i. Aperã jãre cawada pairã macare, “Caroaro cána ãma Pablo jãa,” nare mũja iato ii mũjaare yũ i. Jãre cawada pairã maca apeĩ caroaro cu yeri macajere tũju jeũooquetibana quena, “Caroau ãmi,” i tũjũrãma, cu rupau macaje caroau cu cabaurije jetore tũjuri. ¹³ Aperã, “Camecurã ãma,” jãre irãma. To bairo jãre na caĩbato quena camaja Diore na nũcũbugoato irã to bairo jã átinucu. Mecurã mee jã bai. Jã majuuna jã caboorije meere, mũja maca caroaro mũja cãnipere boorã jã átinucu. ¹⁴ Jesucristo seeto manire cu camairijere tugooñari cu ye quetire jã buionucu, popiye tamũobana quena. Manire cabai yajibojayupi Jesucristo. To bairi mani nipetiro caroorije mani cátajere cabai yaji wapayericarãre bairo jeto cãna mani ã, Jesucristo manire cu cabai yajibojarique jugori. ¹⁵ Caroorije mani cátajere netoogu mani nipetirãre mani cabai yajibojayupi. To bairo manire cu cátibojaro mani majuuna noo mani caboorona cátiquetiparã mani ã. Jesucristo manire cabai yajibojarique, catunu catiricu cu caboorije macare cátiparã mani ã yua. ¹⁶ To bairi apeĩre cu rupau cu cabaurijere tũjubana quena cu yeripu cu cabairije macare mani tũju majiquẽna. “Caroau ãmi,” mani i beje majiquée, cu yeri macajere tũju majiquetiri. Yũ quena tirũmũpũre Jesucristore to bairona yũ caĩ tugooñabapũ mai. “To bairona cawatoa macacu, ati yepa macacu ãmi,” yũ caĩ tugooñabapũ Jesure. Yucũra to bairo yũ tugooñaquẽe yua. ¹⁷ Jicau noo cabou Jesucristo mena cãcu apeĩ ãmi yua, cu catũgooñarijere cawajoaricupũ aniri. Rooro cu cátinucurique nipetiro cawajoaricupũ ãmi. To bairi cajugoyerũna cu cátinucubataje átiquetinucumi. Caũuurije macare ati aninucumi yua.

¹⁸ Atie nipetiro Diona to bairona manire cátibojayupi. Cu Macu Jesucristo manire cu cabai yajibojarique jugori cũre catũju teerã cãnanare cu mena macana mani cãniparore bairo cájupi Dio. To bairi camaja nipetiro caroaro cu mena na cãno bou cu ye quetire jã cabuio roti joowĩ.

¹⁹ Ocõo bairo ã: Jesucristo cu cabai yajibojarique jugori ati yepa macana

nipetirã cu mena macana na cãno átigami Dio cûre catûju teebatanare. To bairi rooro na cãtaje wapare na popiyeyequetigumi Dio, Jesucristo mena na cãmata. To bairi aperã na camajiparore bairo tie quetire jã cabuio roti joowĩ Dio. ²⁰To bairi Jesucristo ye quetire buio teñari maja jã ã. Mujaare jã caqueti buiorije jugori, “Yu mena macana na ãmaro ïi,” to bairo mujaare ïmi Dio. To bairi cu ye quetire buio teñari maja aniri, “Muja quena cu mena macana ãña,” mujaare jã ïnucu. ²¹Jesucristo maca jicani uno caroorije cãtiquẽjupi. Caroorije cãtiquẽcu anibacu quena Dio maca caroorije wapa cacugoure bairo cu cãno cãjupi Dio cu Macu Jesure. Mani maca mani cabai buiyerije jugori to bairo cãjupi Dio. Mani Jesucristo mena ãnaa cabui cutiquẽna anigarãma ïi to bairo cãjupi Dio.

6 ¹To bairi Dio ye quetire buiori maja aniri ocõo bairo nũcubugorique mena mujaare jã ï. Mujaare Dio cu camai tujurijere majibana quena caapiquẽnare bairo baiquẽja. ²Dio ye queti ucarica pũuropu ocõo bairo ï ucarique ã:

Mujaare yu cãtinemogari pau muja cajeñiro apiri mujaare yu átinemogu. Mujaare yu netoogu. To bairi yucucãna mere camajare Dio cu cãtinemogari pau anituga. Yucucãna cu ye quetire caapirãre na netoogumi Dio.

³To bairi Dio ye quetire buiorã ricati jã átiquetinucu, aperã jã cabuioirijere wapa maa ïrema ïrã. ⁴Dio yarã cariape cu ye quetire cabuioãrã jã cãniere camaja na camajiro jã boo. To bairo boorã popiye jã catamũonucurijere jã nũcacõa. Jica pau cu ye quetire buiorã popiye majuu jã bainucu. Ape paura jã caboorije uniere jã cugõquetinucu. Ape rumura aperã jã cabuioirijere apigateerã seeto jãre matanucuma. ⁵To bairi ape rumura jã quẽnucuma. Ape paura preso wiipu jãre jõonucuma. Ape paura rooro jãre átigarã roorije ï awaja teñanucuma. Ape rumu seeto majuu jã paa popiyecuti, yerijãquẽnana. Ape paura jã ñigo rianucu. ⁶To bairo jã cabairijere tujurã camaja nipetirã majima cariape Dio ye quetire cabuioãrã jã cãniere. Ocõo bairo caroaro jã cãtinucurijere tujũ majima. Jesu ye quetire caroaro jã maji. Ricati jãre cabairo jã nũcanucu. Aperãre caroaro jã átinemonucu. Espiritu Santo jã mena anicõa aninucumi. Aperãre ïtori mee nare jã mai tujũ. ⁷Caroaro cariape jeto Dio ye quetire jã buionucu. Dio cu catuuarije jugori to bairije cu caboorijere jã áti maji. Caroaro átiri caroorije macare jã mata maji. ⁸Camaja jica rumurire caroaro jã nũcubugoma. Ape rumura rooro jã tujuma. Jica rumuri, “Caroaro áama,” jã ïma aperã. Ape rumura, “Rooro áama,” jã ïma. Cariape jã caĩ buiorije to cãnibato quena caito teñari majare bairo jã tujuma. ⁹Ape rumura, “Aperã ãma,” jãre ï tujũ rocacõama. Camaja nipetiro na camajirã jã cãnibato quena to bairo rooro jãre ïma. Ape rumu jãre jãaga cotema. Popiye jã catamũoro átibana quena jãre jia rocaquẽma mai. Jã catfõa. ¹⁰To bairo jã capopiye tamũonucurije tũgõõnarique paibana quena jã wariñuunucucõa. Cabopacoorãre bairo anibana quena Dio ye quetire jã cabuioirije jugori aperã capãarãre capee cacugorãre bairo na cãno jã áa. Ñee uniere cugõquetibana quena Dio cu cajoorije jugori nipetirije jã cugo. ¹¹Jã yarã, rujaricarõ mano jã catũgõõnarije nipetiro mujaare jã queti buio peocõawũ, seeto mujaare mairã. ¹²Ricati mujaare jã tũgõõnaquẽ. Muja maca ricati muja tũgõõnarã jãre. ¹³Jicau cu punaare caroaro cu carotirore bairona nũcubugorique mena mujaare yu ï. Mujaare yu camairore bairona yure muja camairo yu boo.

Somos templo del Dios viviente

¹⁴ Jesucristore canucubugouëna mena bapa cutiquëja. Caroare, caroorije mena aju majiña maa. To bairona cabujurije quena canaitiarije mena ani majiquëe. To bairi Jesucristore cabooquëna mena bapa cutiqueticõaña.

¹⁵ Jesucristo quena Sataná mena bapacuti majiquëemi. To bairi Jesucristore caapijarã quena bapacuti majiquëema cüre caapijaquëna mena. ¹⁶ Dio cãniquëna wericarã aperã na cañuu buerã quenare Dio wiipure cü majiña maa. Mani maca Dio cacaticõa aninucuw ya wiire bairo cãna mani ã. Cü majuuna ocõo bairo caï jügoyeyuyupi:

Ti yeparu ãcu yu yarã mena yu aninucucõagu.

Noo na cãaatoru yu quena na mena yu aãgu.

Na Upau yu anigu. Na maca yu yarã majuu anigarãma.

¹⁷ Ape wame quena ocõo bairo ï ucarique ã:

“Carorã tpu cãnibatana to cõona buticõaña. Na mena macana aniqueticõaña. Rooro na cátiere átiqeticõaña mÿjaa.

Yu caïrore bairo bairã caroaro yu mena mÿja anigarã.

¹⁸ Yu maca mÿja Pacu yu anigu. Mÿja maca camua, cãromia quena yu punaa jeto mÿja anigarã yua.”

To bairona ïmi mani Upau catutua majuu, ï ucarique ã.

7 ¹ Yu yarã yu camairã, atie mÿjaare yu cabuorije caroaro Dio manire cu caï cü jügoyeyerique ã. To bairi caroorijere cátiqeti tugooña netoocõape ã, to cãnacã wamere. Mani rupaure carooye tuurijere, mani yeri quenare carooye tuurijere cátiqeti tugooña netoocõape ã. To bairi Diore cu nucubugori caroaro cu catüoorije macare cátiqe ã.

El cambio de actitud de los corintios

² Jïcani uno rooro mÿjaare jã cátiqëpu. Jïcau macare jã carooye tuuqëpu cu cãniere. Jïcani uno mÿjaare jã caïtoqëpu. To bairi jãre maiña. ³ “Cabuicuna mÿja ã,” ï mee yu ï. Cajügoye mÿjaare yu caïricarore bairona mÿjaare yu maï. Yu cacatiri rumu cãno cõo mÿjaare yu maigu. Bai yajiipu quena mÿjaare yu maigu. ⁴ Mÿja cabairijere catüju jeyau aniri, “Caroaro áama,” ï tÿju yeri jañari mÿjaare yu ï tugooña ocabuti. Seeto poripe tamobacu quena, “Caroaro áama,” yu ï wariñuu mÿjaare.

⁵ Macedoniapu ejarã to cãnacã rumu yerijãri mee jã cabainucuwu. Noo jã cãaati pau aperã rooro jãre cátinucuwã. To bairi rooro jã cabainucuwu. To bairo rooro baibana seeto uwirique mena jã cabainucuwu. ⁶ To bairo jã cabaiato quena Dio tugooña ocabutiriquere cajou maca jã catugooña ocabutiro cámi mani yau Tito cu caejarije jügori. ⁷ Cu caejarije jügori jeto meere jã cawariñuuwu. Cu caqeti buiorije mena quenare jã caapi wariñuuwu. Mÿja cáti aniere tÿjuu catugooña ocabütyupu Tito. Seeto yure mÿja catüjugarije jãre caï buiowï. Caroorije mÿja cátajere mÿja cajütiritirije quenare jã caï buiowï. Yure mÿja catugooña üjarije quenare jã caï buiowï Tito. To bairo cu caï buiorijere queti apii netobüjaro yu cawariñuunemowu.

⁸ Mÿjaare uca joobacu mÿja catugooñarique paio yu cãpú. To bairo átibacu quena, “Cauca jooquetipe nibajupa,” yu ïquëe. Nemoona yu cauca jooricaro beroacã mÿja catugooñarique paio tÿjuu to bairona yu caï tugooñabapu. ⁹ Yucnacã mere wariñuuirique mena yu ã. Mÿja catugooñarique pairije jügori mee yu bai. Caroorije mÿja

cátajere jutiritiri m̄ja cáti janañupa. To bairi seeto yu wariñuu. Dio cu caboorore bairona m̄ja cajutiritiyupa. To bairi m̄ja catugooña wajoarijere t̄juri m̄ja cat̄ju wariñuñupi Dio. To bairi m̄ja catugooñarique paio já cáti rooye tuuquẽpu m̄jaare. ¹⁰ Jĩcau ũcu caroorije cu cátajere catugooñarique paii cu catugooñarijere wajoari caroorije cu cátajere áti janacõaumi. Dio maca to bairo cu cáto t̄ju t̄joori cu netooumi. Apeĩ maca cariape Diore caapijagaquẽcu ũcure cu netooquetigumi Dio, cu cajutiritibato quena.

Ati yepa macana na catugooñarique pairore bairo baibacu yajigumi.

¹¹ Dio cu caboorore bairona m̄ja catugooñarique paiyupa m̄ja ya rapu rooro m̄ja cátajere. M̄jaare yu caqueti joori pũurore t̄juri nemoona m̄ja catugooña wajoayupa. Rooro m̄ja cátajere m̄ja majuuna nucubugorique mena m̄ja caquenoñupa. M̄ja mena macacu rooro cátaacu mena m̄ja cãnigaquẽjupa. M̄ja catugooña acayupa rooro cu cátajere. Rooro cátaacure jĩcarore bairona cũre m̄ja capopiyeyeyupa. To bairo m̄ja cabairo t̄jurã, “Roorije átajere cabooquẽna ãma,” m̄ja ĩ t̄juma aperã. ¹² To bairi m̄jaare uca jou rooro cátaacure cũre m̄ja capopiyeyepere seeto yu catugooñaquẽpu. Rooro cáti ecooricure m̄ja cátinemope quenare seeto yu catugooñaquẽpu. M̄ja macare yu catugooñawu. Caroaro járe na cat̄ju ujarijere, járe na caapijarijere Dio cu cat̄juro na iñoato ĩi yu cauca joowu. ¹³ To bairi nipetiro caroaro m̄ja cátaje j̄gori já t̄gooña wariñuu ocabuti.

To bairi Tito seeto cu cawariñuuro t̄jurã já quena já cawariñuunemowu. Nipetiro cu catugooñarije paibatajere cu camajiritiro m̄ja cájupa. ¹⁴ M̄ja t̄pu Tito cu cááparo j̄goye, “Caroaro canucubugorã ãma Corinto macana,” cu yu caĩ buiowu. To bairo ĩi jocu mee yu caĩwu. Cu yu caĩricarore bairona caroaro canucubugorã m̄ja ã. Nipetirijere m̄jaare yu caĩrije cariape jeto ã. Nipetiro m̄ja cãniere Titore já caĩ buiorique quena cariape ã. To bairi, “Caroaro canucubugorã ãma Corinto macana,” Titore já caĩ buiorique quena cariape cabaiwu. ¹⁵ Nucubugorique mena m̄ja t̄pũre cũre m̄ja cãni rotiyupa. Cu carotirije quenare caroaro m̄ja cájupa. To bairo m̄ja cátajere t̄gooñari Timoteo maca netobujaro m̄ja mai t̄gooñami. ¹⁶ Nipetiro caroaro m̄ja cátiere, “Caroaro áama,” ĩ majiri seeto yu wariñuu.

Dando generosamente

8 ¹ Yu yarã, yucucã m̄jaare já buiogarã Jesucristore caapijarã cãni poari macana ato Macedonia yepapu cãna caroaro Dio mena na cáti aniere. ² Na maca seeto popiye baibana quena seeto wariñuunucuma. Apeye uniere c̄goquetibana quena capee cacugorãre bairona aperẽ na átinemonucuma. ³ Na cacugorije cõona cajoowã aperã cabopacoorãre. Ape rum̄ra netoro cajoonucuwã. To bairo na cáto yu cat̄juwu. Na majuuna na cajoogaro cõo cajoowã. ⁴ To bairo cãna aniri, “Jã quena Jerusalẽpu cãna cabopacoorã Jesure caapijarãre já átinemogarã,” seeto já caĩwã. ⁵ Já catugooñabatato netoro cátinemowã. Nemoona Diore, “Mu yarã jeto já ã,” caĩwã. To bairo ĩ yaparo, “Dio cu caboorore bairona m̄ja carotirijere já átigarã,” já caĩwã. ⁶ To bairo Macedonia macana seeto na yere na cajoogarijere t̄juri Titore m̄ja t̄pũre já caamojore tunu aã rotiwu. Caj̄goyepu niyeru m̄ja cajeni neorique cabopacoorãre m̄ja cajoogarijere na jeni yaparoato ĩrã Titore m̄ja t̄pu já caamojore tunu aã rotiwu.

⁷Nipetiro to cānacā wame caroaro m̄ja átinucu. Caroaro n̄c̄n̄c̄b̄ḡoriquē mena Diore m̄ja t̄ḡooña ocabuti. Dio yere caroaro camajirā aniri aperāre caroaro m̄ja buio maji. Wariñuurique mena Dio c̄n̄ caboore bairona m̄ja átinucu. Caroaro jāre m̄ja mai. To bairi caroaro cána aniri cabopacoorā quenare caroaro na cátinemoparā m̄ja ā.

⁸M̄jaare roti majuu mee yu ī baii p̄ua. To bairi aperā wariñuurique mena aperāre na cátinemogarijere na majiatio m̄jaare īi yu ī. ⁹Mere m̄ja maji. Mani ̄pān̄ Jesucristo manire mai t̄j̄uri caroaro majuu manire cátibojayupi. Capee majuu cac̄ḡōn̄ anibacu quena cabopacaure bairo cabaiyupi, mani macare mai netobacu. Mani macare capee cac̄ḡorā na āmaro īi to bairo cabaiyupi Jesucristo.

¹⁰M̄ja ye macaje caroaro na áparo īi yu cat̄ḡooñari wame oc̄o bairo m̄jaare yu ī: J̄ica cuma neto mere Jerusalén macanare jā átinemogarā īrā, niyeru m̄ja cajee neo j̄ḡoricaro bero. Ape macari macana j̄ḡoyep̄na m̄ja cajee neo j̄ḡoyupa m̄ja maca. Tere j̄oorā wariñuurique mena m̄ja cajoo cajooypa m̄ja cac̄gorijere. ¹¹To bairi wariñuurique mena m̄ja cajoo j̄ḡoricarore bairona joo yaparoya. M̄ja cajoo majiro c̄o jooya. ¹²Nii j̄icān̄ cariapena c̄n̄ cac̄goro c̄o wariñuurique mena c̄n̄ cajoo c̄n̄ t̄j̄u wariñuūmi Dio maca. Mani cac̄goquetibato quena joo rotiquēc̄umi.

¹³“Nipetiro m̄ja cac̄gorije cabopacoorāre joo peoc̄oña,” yu īquēe. Cabopacoorā macare joo peoc̄ari m̄ja maca cabopacoorāre bairo m̄ja cáno yu boquēe. J̄icaro c̄o na c̄goato īi to bairo yu ī. ¹⁴Yucacā m̄ja cac̄gorije mena nare m̄ja átinemo maji. Na quena caberop̄n̄ na cac̄gorije mena m̄jaare átinemogarāma. To bairo átiri j̄icaro c̄ona m̄ja c̄ḡogarā yua. ¹⁵Dio ye queti ucarica p̄urop̄n̄ oc̄o bairo ī ucarique ā: “Capee cac̄ḡobatacu quenare rujaquetigaro. Apeī petoacā cac̄ḡōn̄ quenare ñe unie majuu bopacaquetiḡumi,” ī ucarique ā.

Tito y sus compañeros

¹⁶M̄ja ye cānipere seeto yu t̄ḡooñanucu. Yu cat̄ḡooñarore bairona Tito quenare m̄jaare c̄n̄ cat̄ḡooñaro cájupi Dio. To bairi, “N̄uub̄ja,” Diore c̄n̄ yu ī wariñuu. ¹⁷M̄ja t̄p̄n̄ c̄n̄ yu cáá rotiro wariñuurique mena, “J̄ān̄, yu aáḡu,” īwī Tito. To bairi c̄n̄ majuuna m̄jaare cat̄ḡooñanuc̄n̄ aniri yucacāre m̄jaare t̄j̄u aáḡumi.

¹⁸Tito mena apeire jā j̄oonemogarā. C̄n̄ quena caroaro Jesure caapij̄au, mani yau āmi. “C̄n̄ quena Jesucristo ye quetire caroaro cabuionuc̄n̄ āmi,” c̄n̄ īnucuma Jesucristore can̄c̄b̄ḡori poari macana. ¹⁹“Caroan̄ āmi,” c̄n̄ ī t̄ḡooñari Jesucristore can̄c̄b̄ḡori poari macana c̄n̄ cabejewā jāre cabapa cutipare. Niyeru jā cajeni neoriquere Jerusalēp̄n̄ jā cajee aáto c̄n̄ quenare jā mena cajee aánemo rotiwā. Tie niyerure jee aána caroaro Diore áti n̄c̄b̄ḡorā jā āa. To bairi camaja nipetirā majigarāma wariñuurique mena aperāre jā cátinemogarijere. ²⁰Aperā, “Camaja niyeru na cajooriquere na majuuna áti rericarāma,” na ī wada paiquetic̄oato īrā to bairo jā āa. ²¹Dio maca caroaro t̄j̄u majimi nipetiro cariape jā cátinucurijere. Camaja quena to bairona cariapena jā cátinucurije t̄j̄u majigarāma, niyeru jā majuuna jee c̄uri mee, nipetiro jā cajoorijere t̄j̄urā. ²²To bairo jā cátiere na t̄j̄u majiatio īrā mani yau apeī quenare jā j̄oonemotunu. C̄n̄ quena capee wariñuurique mena Dio yere c̄n̄ cátinucurijere jā maji. To bairi yucacā c̄n̄ quena m̄ja t̄p̄n̄ aáḡayup̄n̄, “Na quena caroaro átinemogarāma,” m̄jaare ī t̄ḡooñari. ²³Aperā m̄ja t̄n̄ macana Titore,

“¿Nope ĩ cū baiti?” na caĩ jeniñaro ocõo bairo na ĩ buioya: “Pablo mena macacu āmi cūa. Cū mena capau āmi. Mujaare átinemoi acú baimi,” na ĩ buioya. Cū mena macana quenare, “¿Dope bairo na baiti?” na caĩ jeniñaro, “Na quena Jesucristore caroaro cáti n̄cubugorã āma. Jesucristore caapiujari poari macana na cajooricarã āma,” nare muja ĩ buioyarã. ²⁴To bairi n̄cubugorique mena caroaro muja t̄p̄u na an̄i rotiya Tito jāare. Caroaro na boca t̄j̄uya na caejaro. To bairo na muja cáto Jesure caapiujarã na cajooricarã, “Caroaro aperãre camairã āma Corinto macana,” muja ĩ majigarãma yua. Mere, “Mani yarã Jesucristore caapiujarãre camairã āma Corinto macana,” nare yu caĩw̄u. To bairi, “Cariape jā caĩ buioyupi Pablo Corinto macana na cãniere,” ĩ majigarãma yua.

La colecta para los hermanos

9 ¹Aperop̄u cãna Jesucristore caapiujarãre niyeru jooriquere yu caucanemope booquẽto. ²Wariñuurique mena muja cajoogarijere yu majituga mere. To bairo muja cajoogarijere Macedonia yepa macanare yu caĩ buiow̄u. “Tir̄um̄u macá cuma, Acaya yepa macana niyeru cajee neo j̄ugowã,” na yu caĩw̄u, muja cátajere na ĩ buioy. To bairo muja cátajere queti apirã ato macana Macedonia yepa macana quena capãarã wariñuurique mena cajee neo j̄ugowã. ³To bairi yucacã Tito, p̄ugarã na cabejericarã quenare muja t̄p̄u na yu joo, muja t̄p̄u yu caejaparo j̄ugoye na jee neo yaparoato ĩi. “Mere Acaya macana niyeru cane yuutugawã,” nare yu caĩw̄u ato macanare. To bairi tiere nipetiro quenoo yuuya, “Joc̄una caĩñupi Pablo,” ĩrema ĩrã. ⁴Muja t̄p̄u yu cáaāto j̄icaarã Macedonia macana yu mena aãborãma. To bairi top̄u jā caejaro muja cajee neo yuquẽpata boboro yu t̄ḡooñabou. “Mere cajee neo yuuwã,” caĩricu aniri to bairo yu baibou. Muja quena to bairona muja bobo t̄ḡooñaborã. ⁵To bairi Tito jāa yu j̄ugoye muja t̄p̄u ejarã, “Jã joogarã,” muja caĩrique quenoo yuugarãma. To bairo na cáto jā caejaparo j̄ugoye mere nipetiro muja c̄ugo yuutugagarã. To bairo muja majuuna muja caboorore bairona muja átigarã. To bairo muja cátiquẽpata jā maca ejarãp̄u, “Cajoop̄e ā,” jā caĩata muja majuuna muja cajoogarije me aniboro. Aperã na carotirije maca aniboro yua.

⁶Ocõo bairo t̄ḡooñaña: Petoacã caotericu carica quenare petoacã jeegumi. Pairo caotericu maca pairo caricare jeegumi. Tiere bairona bai aperãre mani cátinemorije quena. Petoacã aperãre mani cáti nemoro Dio quena petoacã manire átinemoḡumi. Pairo nare mani cátinemoro maca Dio quena pairo majuu manire átinemoḡumi. ⁷To bairi to cãnacãna, “To cõo yu joogu,” mani caĩricaro cõo cajoop̄e ā. Mani cajoogaquetibato quena aperã maca na cajoo rotiro ñuquẽe. Wariñuurique mena mani cajooro Dio quena manire wariñuu t̄j̄ugumi. ⁸Dio maca caroare muja joo neto majimi nipetiro muja caboori wame cãno cõo. To bairo mujaare cū cajooro nipetiro muja cacugoquẽtiere muja c̄ugo peocõagarã. To bairi aperãre muja cátinemope quenare nipetiro muja c̄ugogarã. ⁹Dio ye queti ucãrica p̄uuropr̄e ocõo bairo ĩ ucãrique ā:

Camajoc̄u caĩw̄u cabopacoarãre caroaro na joonuc̄umi.

Cū majuuna cū cac̄ugope quenare,

aperãre cū cajoop̄e quenare c̄ugonuc̄ucõagumi.

¹⁰Dio mani caotepere joomi caricac̄uto mani caugapere. C̄una mani cac̄ugope nipetiro joogumi. To bairi aperãre mani cajoop̄e quenare manire

joogumi. ¹¹To bairona muja quenare capee muja joogumi Dio, aperäre na muja cátinemoparore bairo. To bairi mani yarä cabopacooräre na muja cajoogarijere nare jä jee ađgarä. Tiere tujurä Diore, “Nuu majuucöa,” cu ĩ wariñuugaräma yua. ¹²Muja maca tiere na joorä Jesure caapiujarä nare carujabatajere muja joo peogarä. To bairi Dio quenare seeto ĩ wariñuugaräma muja cajoorije tujuri. ¹³Muja cajeni neorijere nare jä cajooro Jerusalén macana Jesucristo ye quetire muja canucubugorijere tujur majigaräma. To bairi, “Caroaro Cristo cu caboorijere cána äma corinto macana,” Diore cu ĩ wariñuugaräma. “Caroaro järe cátinemorä äma, aperä nipetiräre cátinemorä äma,” Diore cu ĩ wariñuugaräma mujaare yua. ¹⁴To bairi Dio cu caboorore bairo nare muja cátinemorije jugori seeto muja maigaräma. Diore muja jenibojagaräma. ¹⁵Dio maca cu Macu Jesucristore jou caroa majuu manire cajooyupi. To bairo caroaro manire cu cátibojarique ĩ buio peo majiña maa. To bairi seeto cü re mani ĩ wariñuunucugarä yua.

La autoridad de Pablo como apóstol

10 ¹Yu Pablo apeye mujaare yu ĩ buioyu. Jesucristo caroaro mairique mena, maní bopacoo tujuri cu cabuio majirore bairona caroaro mujaare yu ĩ uca joo baii pua. Jícaarä muja tu macana ocöo bairo yure ĩräma: “Pablo mani tujur äcu caroaro mani mai tujuri caroaroacä maní buionucumi. Aperopu äcu maca papera mena ĩ uca jou seeto majuu tutuaro manire ĩ joonucumi,” yure ĩräma jícaarä muja tu macana. ²Muja tujur yu cááato caroaro ája, caroaro mujaare yu caí buio majiparore bairona. Rooro caírä macare tutuaro mena na yu ĩ buioyu. Jícaarä muja tu macana, “Pablo jáa na majuuna tugoñarí baima,” järe ĩräma. “Ati yepa macana Jesure camajiquëna na cabairore bairona baima,” järe ĩräma. To bairo caírä una quenare yu wada canamu majigu. ³Camaja ati yepa macana anibana quena Jesure catugoñaquënare bairo já átiquë. ⁴Dio yere ána já majuuna já cáti tutuarije mena, ati yepa macanare bairo já átiquë. Dio cu catutuarije mena maca cañuquëtiere, caitorije já re maji. Cu cátinemorije mena já áti ocabuti maji. ⁵To bairi cu cáti tutuarije järe cu cajoorije mena nipetirä, “Camajirä já ä, ocöo bairo majuu ä,” caírä na caitorijere já ĩ neto maji. Dio ye quetire já cabuioore caapi majigaräre camatarä quenare já re maji. Cu carotirije macare na áparo ĩrä, cu caboorore bairo catugoñaqerä maca na ämaro ĩrä já áti maji. Dio cu cáti tutuarije järe cu cajoorije mena to bairo já áti maji. ⁶Jesucristo cu cabooro muja cátigarije bero muja mena canañaponucurä cabooquëna macare já popiyeye ocabuti maji na canetoo nucarije wapa.

⁷Camajare tujurä na cabaurije cabui macaje jetrore muja tugoña, na yeri maca tugoñaquënana. To bairi muja tujur macacu, “Jesucristo yau majuu yu ä,” caí ücure ocöo bairo yu ĩ: Já quena Jesucristo yarä já ä, cu cänore bairona. ⁸Mani Upau Jesure netoro muja catugoña nacubugonemoparore bairo yu cáti rotiwí Dio. Jesure muja canucubugorijere yure carooye tuu rotiquëmi. Ape paura to bairo cu ye quetire Dio yure cu cabuio rotiriquere netobujaro yu wada baii pua. To bairo wadabacu quena nope ĩ yu boboquë. ⁹“Na uwi tugoñaato ĩi tutuaro majuu manire ĩ uca joomi Pablo,” yure ĩ tugoñaquëja. ¹⁰To bairona yure ĩ tugoñaräma muja tu macana jícaarä. “Papa püuro uca jou caocabuti majuure bairo tutuaro majuu manire ĩ joomi Pablo,” yure ĩräma. “Cabaujaro macara maní tujur buioy maca catutuaquëcure bairo

baumi. Cũ cawadarije quena seeto tũjooquẽe,” yũre ãrãma. ¹¹To bairo yure caĩrã una atiere na tũgooña majiati: Cayoaropũ ãnaa jã cauca jooricarore bairona, mũja tũpũ ãnaa quena to bairona tutuaro jã buio maji.

¹²Aperã mũja tũ macana, “Jã maca cãni majuurã jã ã,” ãrãma. To bairo caĩrã mena jĩcaro cõo jã anigaquẽe jã maca. Na majuuna tũgooñari, “Camajirã mani ã,” ame ãnucurãma. To bairo ãnucubana quena majiquẽnama. ¹³Jã maca jã cáti majiquẽtiere, “To bairona ã,” jã ãquẽe. To bairi, “Jã majuuna Dio ye quetire noo jã cabooro jã buio teña maji,” jã ãquẽe. Dio cũ carotiro jetona jã buio teña maji. To bairi cuna mũja tũpũ quenare jã cabuio teña rotiwĩ. ¹⁴To bairi Jesu ye queti mũjaare buiorã jã majuu jã cabooro meena jã cápũ. Diona mũja tũpũ jãre cũ caqueti buio rotiro jã cápũ. To bairi mũjaare Jesu ye quetire cabuio jũgoricarã jã ã. Mũja tũpũ jã cabuio teñaquẽpata jocarãna, “Mũjaare cabuio jũgoricarã jã ã,” jã ãborã. ¹⁵Aperã na cátiere, “Jã cátie maca ã,” jã ãquẽe. To bairi aperã ye paariquere, “Pablo jãa na cátaje ã,” aperã na caĩro jã booquẽe. Netobũjaro Jesure mũja caapiũja nutuato jetore jã boo. To bairo mũja cáto mũja tũpũ macanare jã buionemo majigarã. Dio cũ cabuio teña rotiro jetore jã buio teña nutuagarã. ¹⁶Jesucristo netobũjaro mũja caapiũja nutuato mũja jũgoye macã macaripũ quenare jã buio teña nutua majigarã. Cũ ye quetire cabuiويا manopũre jã buiogarã. Camaja mere Jesure na caapiũjaropũ, “Jã maca jã cabuiorije jũgori apiũjama,” jã ãgaqueti majuucõa.

¹⁷“Aperã netoro caroaro yũ cápũ,” caĩquetipe ã. “Mani Ƴpau Dio maca caroaro yũ cátinemowĩ,” caĩpe ã. ¹⁸Nii cũ majuu cũ cátaje, “Caroaro yũ cápũ,” caĩ ãcũ caroare cácu añiquẽscũmi. Diona, “Caroaro mũja cápũ,” cũ caĩ ecoorã maca caroare cána majuu ãma na maca.

Pablo y los apóstoles falsos

11 ¹Yucucã noo booro cawadaure bairona yũ ã ucagũ. To bairo mũjaare yũ caĩrijere mũja caapiũgaata nũcaña. ²Dio mũjaare cũ camaire bairona yũ quena seeto mũjaare yũ mai. Jesucristo ye quetire mũjaare yũ cabuio cũre mũja canucubũgo jũgowũ. To bairi Cristo cũ catũjuro caroorijere cátiquẽna mũja cãno yũ boo. To bairi seeto mũjaare yũ tũgooñarique pai, caroorije átiborãma ãbacũ. ³Satanã Evare ãtore ãtore cũ macare cũ caapi nũcubũgoro cájupi. Mũja quena cũ cátorore bairona aperã na caĩtorijere mũja api nũcubũgoborã. Jesucristore cariape caroaro cũre mũja canucubũgobatajere mũja janaborã. To bairi mũjaare yũ tũgooñarique pai. ⁴Aperã ricati mũjaare cabuiorã macare mũja api tũjoo. Jã maca cariape Jesucristo yere jã cabuiowũ. Na maca to bairo mee buioma. Nemoona Dio Espĩritu Santore mũja caboowũ. Yucucãre Dio camajare cũ canetoorije queti majuu mee macare na cabuiooro caroaro nare mũja api nũcubũgocõa. Na cabuioorijere apirã Espĩritu Santo cũ ye cãniquẽtie macare boorã mũja bai. ⁵Mũja caapiũjarã maca, “Aperã Jesucristo cũ cabejericarã netoro camajirã jã ã,” ã tũgooñarãma. Yũ maca na rugaro camajii mee yũ ã. ⁶Nare bairo cawada maji majuu mee yũ ã baii pũa. To bairo baibacu quena Dio yere caroaro camajii yũ ã. Nipetiro yũ cátiere tũjũrã, “Dio yere caroaro camajii ãmi,” yũre mũja ã tũjũ majirã.

⁷Nemoopũre Dio camajare cũ canetoorije quetire mũjaare buioũ yũ cawapa jeequẽpũ. ¿To bairo jeequẽcũna rooro mũjaare yũ ájupari? Yũ majuuna yũ capaa wapata ũgawũ. Mũja macare caroaro átinemogũ

to bairo yu cǎpú. ⁸Muĵa tuṙu yu cǎno Jesucristore caapiuĵarǎ ape poari macana yu caniyeru juowǎ. Tiere jei, muĵa macare átinemogu na ye niyeru caema ruĝoure bairo yu catuĝooñawu. ⁹Muĵa tuṙu ácu apeepe uniere yu caboo patowǎcooquēṙu muĵaare. Jesure caapiuĵarǎ Macedonia macana yu caboorije caruĵarije uniere yu cajoowǎ. To bairi muĵaare yu capatowǎcooquēṙu. To bairona yu patowǎcooqueti yaparocōaĝu.

¹⁰Jesucristo ye queti cariape cǎnie jetore yu buionucu. Tie queti cariape to cǎnore bairona yu cabuioirije wapa yu niyeru jenuquetigu. Jícau mácana Acaya macacu, “Pablo cu cabuioirije wapa boomi,” í majiquetigumi.

¹¹Muĵaare camai netou aniri to bairo yu áa. Dio quena muĵaare yu camai netorijere majiimi.

¹²Yu cǎtinucurijere to bairona yu áticōa anigu. Aperǎ maca, “Pablo cu cátoṙe bairo cǎna já ā,” cǎirǎ anibana quena na cabuioirije wapa booma aperǎ. Yu maca cawapa bou mee yu ā. To bairo, “Cūre bairo já áa,” í majiquēnama. ¹³“Jesucristo cu cabejericarǎ já ā,” írǎ to bairo itocōarǎ íma. Baitorǎ maja na riyare ricati bauri ajero cajaanǎre bairona baima naa, “Jesucristo cu cabejericarǎ já ā,” ítorǎ. ¹⁴To bairo na cátie majirioquēto. Sataná quena to bairo áti majiimi. Ape paúra Dio tu macacu ángel majocure bairona cabauu jeeñami. ¹⁵To bairi cūre caapiuĵarǎ quena cūre bairona bainucuma. Caroarǎ Dio yere cǎnare bairona baitonucuma. To bairo na cabatorije wapa na popiyeyegumi Dio yua.

Sufrimientos de Pablo como apóstol

¹⁶Cajuĝoye yu caĩricarore bairona muĵaare yu ínemogu tunu. To bairo yu caĩrijere, “Í mecú áami,” yure í tuĝooñaqueticōaña. “Í mecú áami,” yure í tuĝooñabana quena yure apiya muĵaare yu caĩ uca joorijere.

Aperǎ, “Caroaro cabuio majirǎ já ā,” na caĩrore bairo yu quena petoacǎ yu íĝu baii ruu. ¹⁷To bairo yu caĩata mani Upau Jesucristo cu

carotiríque meere wadau yu áa. Yu majuu, “Caroaro cabuio majii yu ā,” yu caĩrije, “Camecure bairona wadami,” yure muĵa í tuĝooñarǎ.

¹⁸Capǎarǎ na majuuna, “Caroaro cǎna já ā,” ínucuma. To bairi yu quena na caĩrore bairona ati yepa macaje yu cátiere, “Caroaro cácu yu ā,” yu íĝu. ¹⁹“Camajirǎ já ā,” í tuĝooñabana quena noo booro cabuioṙǎ macare caroaro nare muĵa apiuĵa. To bairi nare muĵa caapiuĵarore bairona yu quenare apiya. ²⁰Na macare caroaro muĵa apiuĵanucu, rooro muĵaare carotirǎ na cǎnibato quena. Noo booro muĵaare roti epenucuma. Ítori muĵa yere jeenucuma. Muĵaare tuĵu rocacōama. Ape ruṙura rooro muĵa átinucuma. To bairo capee rooro muĵaare na cáti eperije to cǎnibato quena caroaro nare muĵa apiuĵa. ²¹Jǎ maca na cátoṙe bairo tutuaro muĵaare já íqueti majuucōa. Tutuaro muĵaare já caĩquēto tuĵarǎ, “Caĩ ocabutiquēna áma Pablo jáa, bobobujama,” járe muĵa í tuĝooñarǎ.

Aperǎ na majuuna, “Caroaro cáti majirǎ já ā,” í neto nuĉarǎma. Yu quena nare bairo petoacǎ yu cátaje, caroaro yu cǎnie quenare yu í buio ocabutigu, “Cawada mecure bairona wadami,” yure muĵa caĩ tuĝooñabato quena. ²²“Hebreo maja aniri cǎni majuurǎ já ā,” ínucuma. Yu quena hebreo yauna yu ā. “Israel macana já ā,” ínucuma. Yu quena Israel macacna yu ā. “Abraham pǎramerǎ já ā,” ínucuma. Yu quena cu pǎramina yu ā. ²³“Jesucristo ye quetire cabuioṙǎ já ā,” ínucuma. Yu maca na netoro Jesucristo ye quetire cabuioṙu yu ā. To bairo yu majuuna, “Cawatoa macacu mee yu ā,” íi, caĩ mecure bairo yu wada. Ocōo bairo ā:

Yũ maca na netoro Jesu ye quetire buio teñau yũ capopiye cutaje: Yũ maca na netoro yũ capaa popiyecurũ. Na netoro capee niri yũ capreso jöowã. Na netoro capee niri yũre cabapewã. Capee niri yũre na cañiagaro cauworije watoa yũ cãmu. ²⁴ Jĩca wamo cãnacã ni judío maja wecu ajero wëri mena yũre cabapewã. Na cabaperije niri cõo treinta y nueve niri jeto cabapenucwã. ²⁵ Itiani majuu yucuri mena yũre capawã. Jĩcani ù ta rupaari mena yũre carewã. Itiani majuu cumua capairica mena aáteñabacu yũ caruawũ. Jĩcani ruabacu ria capairi yapũ jĩca rãmũ, jĩca ñami yũ capaja bujucoarũ. ²⁶ Capee niri aáteñabacu ria cauwiore pañripũ, uwioro cajee rutirã watoarũ, yũ yarã judío maja turũ, judío maja cãtiquena turũ quena cauworije watoarũ yũ cãaáteñawũ. To bairi macarũ quenare, camaja na manorũ quenare, ria capaca yari cauwiore quenare yũ cãaáteñawũ. “Jesucristore canucubugorã jã ã,” caitorã watoarũ quenare yũ cabuio teñarijere carooye tuugarã watoarũ yũ cãaáteñawũ. ²⁷ Capee niri yũ capaa popiyecurũ. Cãtiquẽcuna yũ cãaáteña bujucoanucuwũ. Nigo ria, oco etiga yũ cabainucuwũ. Ape pañrira ugaquẽcuna, seeto cajooropũ uma yojaricaro cuqoquẽcuna yũ cabainucuwũ. Yũ cajutii bopacanucuwũ.

²⁸ To bairo nairoacã popiyecuti, apeye quena yũ yeripũ seeto yũ tũgoõñarique cutinucu. To cãnacã rumũ Jesucristore canucubugori poari nipetiro macanare na cãniere yũ tũgoõñanucu. ²⁹ Noo Dio cu caboorijere cáti ocabutiquẽcu ùcure yũ quena cu cáti ocabutiquẽtiere yũ tũgoõñarique pai. Noo jĩcau ricatĩ wame caroorije macare cu cáto seeto majuu yũ tũgoõñarique pai. ³⁰ To bairi yũ majuuna, “Aperã netoro cãcu yũ ã,” yũ cañrijere ñi yũ caocabutiquẽtierena ñi yũ áa. ³¹ Dio mani Uraũ Jesucristo Pañre, “Cañũ majuu ãmi,” cañ nucubugo warĩñuupe ã. “Cariape wadami,” yũre ñ majiimi Dio. ³² Damasco macarũ yũ cãno uraũ majuu Areta cawamecucũ ñoro macacũ carotii maca yũ cañegabami. To bairi ti maca tũjaro na cawerica janiro butirica joperire polisĩa majare na cacote rotiyupĩ, yũre na ñeato ñi. ³³ To bairo yũre na cañegarõ yũ mena macana yũ carutipere yũ cãtinemowã. To bairi piipũ yũre ne jãri ti janiro cãni jopeacãpũ yũre cayo netoo ruio jowã. To bairo yũre na cáto maca Damasco macanare carotii yũre cu cañe rotibatãnare yũ caruticoarũ.

Visiones y revelaciones

12 ¹ Mani majuu, “Caroaro yũ áa,” mani cañrije wapa maa. To bairo to cawapa manibato quena apeye mujaare yũ buioũ. Mani Uraũ Jesucristo quẽguericarore bairo yũre cu cañooriquere yũ buioũ. ²⁻⁴ Jesucristore yũ canucubugo juqoricaro beroacã cu turũ yũre cane aãmi Dio. Catorce cumari neto Dio ùmurecoorũ yũre cu cane aãtato bero. Yũ rupau nipetirona o yũ yeri jeto yũ aãtacu yũ ñ majiquẽ. Dio jĩcauna majiimi yũ cabairiquere. Atie jetore yũ maji. Dio cu turũ Paraíso cawamecutopũ yũre cane aãmi. Topũ ãcu cayajiorije camajare cabuioya maniere yũ caapiwũ. ⁵ To bairo cabairicu aniri, “Aperã netoro cãcu yũ ã,” yũ ñ majibõ. To bairo baibacu quena yũ majuuna, “Aperã netoro cãcu yũ ã,” yũ ñquẽ. Yũ caocabutiquẽtiere jetore caroaro yũ buioũ. ⁶ “Aperã netoro cãcu yũ ã,” yũ cañgaata cariapena yũ ñbõ. Noo booro wadau mee yũ ñbõ. To bairo to cãnibato quena, “Aperã netoro cãcu yũ ã,” yũ ñquetigũ, yũ tũju nucubugo netorema ñi. Yũre camajirã aniri mere yũre muja nucubugorã. To bairi netobũjaro yũre muja canucubugonemoro yũ booquẽ.

⁷Dio yure cu caiñoorique caroa majuu cāmū. Tiere tugoñaŋ yu majuuna, “Caroan majuu yu ā, ricati cabairije majuure catujericu aniri,” yu īboŋ. To bairona ī tugoñaŋare īi popiye cūtajere yu cajoowī Dio. Satanā maca pota mena yure catupuaure bairona yu cāmí yu capopiye tamuro. ⁸Itiani majuu mani Hpaŋ Diore, “Yu cariaŋe cūtie yure to netoato,” cu yu caī jenibarŋ. ⁹To bairo yu caibato quena Dio maca ocōo bairo yu caī yūwī: “Seeto mure maii mure yu ātinemonucu. To bairi apeŋe unie mure rŋjaquēe. Camaja caocabūtiquēna na cāno yu catutuarijere netoro na yu joo maji,” yu caīwī Dio. To bairi caocabūtiquēcu ācu yu wariñuu. Yu caocabūtiquēto Jesucristo catutuaŋ maca yu mena cu āmaro īi to bairo yu bai. ¹⁰To bairi popiye tamuroŋ yu wariñuu. Rooro yure na cawada pairije, apeŋe uniere yu cacŋgoquētiere, Jesure yu canucubugorije wapa yure na capopiŋeyenurije, ricati yure cabairijere yu wariñuu. Ocōo bairo ā: Caocabūtiquēcure bairo anibacu quena Jesucristo mena maca caocabūti majuure bairo yu tugoña.

Preocupación de Pablo por la iglesia de Corinto

¹¹Yu majuuna yu cawadaro, “Camecure bairona wadami Pablo,” yure mŋja īborā. Caroaro yure mŋja cawadaquētie jugori to bairo yu ī wada yu majuuna caroaro yu cātiere. Mŋja maca caroaro yu cātiere aperāre yure mŋja caī buiro ñuuboricarō. Na caitorijere mŋja canucubugoro cāna maca, “Jesucristo cu cabeje jugoricarā apóstol maja netoro camajirā jā ā,” ī tugoñaŋabana. Yu maca, “Cawatoa macacu āmi,” na caīi anibacu quena na rugaro cācu mee yu ā. ¹²Mŋja tŋpŋ popiye tamnobacu quena tugoña ocabutiri capee Dio cu catutuarije mena yu cāti iñoowu. To bairo ācu cariaŋe Jesucristo cu cabejericu apóstol majocu yu cāniere yu caiñoowu. ¹³Mŋjaa Corinto macanare aperā Jesucristore canucubugori poari macana rugaro caroaro nucubugorique mena mŋjaare yu cātiqetinuŋcu. Atie jetore yu cātiqēpŋ. Apeŋe yu caboorije uniere mŋjaare yu cajeniquēpŋ. To bairo yu cabairiquere, “Yure majirioŋa,” ŋyū ībocuti?

¹⁴Mŋja tŋpŋ yu cāaāpere quenoŋ yuŋ yu āa mere. Yucnacā yu cāaāpe mena itiani mŋja tŋpŋre yu aāgu yua. Apeŋe yu caboorije unie mŋjaare yu jeni patowācooquetigu. Mŋja cacŋgorije quenare yu emaquetigu. Yure mŋja caari nucubugore macare yu boo. Ocōo bairo ā: Capacna na punaare na caniyeru joopere neorāma. Na punaa maca na pacuare na caniyeru joopere neoquēnama. To bairi mŋja pacure bairo cabaii aniri mŋja cacŋgorijere yu jeniquēe. ¹⁵Yu maca yu cacŋgoro cōo mŋjaare yu ātinemogu. Noo yu cāti ocabutiro cōo mŋja yeri mena netobujaro Diore mŋja canucubugopere yu ātinemogu. Ocōo bairo yu tugoña baii pŋa. Seeto yu camairā anibana quena yu macare camaiquēnare bairo mŋja bai.

¹⁶Mŋjaare yu cajeni patowācooquetibato quena ocōo bairo yure īrāma jīcaarā: “Cu cāti majirije mena cūre mŋja canucubugoro cājupi. To bairo ātiri na yere jeericumi,” yure īrāma. ¹⁷Yu cajooricarā maca Tito jāa itori mŋja canucubugoro, mŋja yere jāre mŋja cajooro cātiqēma. ¹⁸Titore mŋja tŋpŋ yu cajoowu. To bairi apeī Jesucristore canucubugou mani yaŋ quenare cu mena yu cajoowu. Topure Tito itorique mena mŋja canucubugoro, mŋja ye niyeru, apeŋe uniere jāre mŋja cajooro cātiqējupi Tito. Cu quena yu cātinucurore bairona ātinucumi. Mŋja yere jeni patowācooquetinuŋcu, yure bairona catugoñaŋ aniri.

¹⁹ Ape paúra, “Caroaro järe na núcubugoato írã to bairo írma,” järe mũa ï tũgoonãrã. To bairo me ã. Ocõo bairo maca ã: Dio järe cu catujurona Jesucristo cu carotiro mena jã ï buio. Yu yarã, yu camairã mũa cãno maca Diore netobujaro na núcubugoato ïi to bairo mujaare yu ï. ²⁰ Mujaare yu tũgoonãrique paibũa, na tũpu yu cãããto yu caboore bairo mee átiborãma íbacu. Mũa quena, “Pablöre jã caboore bairo baiquetiboumi,” mũa ï tũgoonãrã. Apeye quenare ocõo bairo baiborãma yu ï tũgoonãrique pai. Ame tutiborãma. Ame tũju ugoobana ame punijiniborãma. Ame wada canamu paiborãma. Aperãre rooro wada paiborãma. To bairi, “Aperã netoro cañuurã jã ã,” ï tũgoonãborãma. Noo na caboore áti macaborãma, yu ï tũgoonãrique pai mujaare. ²¹ Yu tũgoonãrique pai. Cabero mũa tũpu yu cãããto rooro mũa cáti tũjuri, mũa cáti aniere yu catũgoonã boboro yure átiboumi yu Úpaú Dio. To bairi rooro cáтана, “Dio, jã majirioya,” mũa caĩ jenuquẽto seeto yu jutiritibou. Rooro mũa cátiere, rooro mũa catũgoonãrijere, rooro mũa cáti epericarã cutiere, nipetiro caroorije mũa cátiagarore bairo mũa cátinucurijere mũa cajanaquẽto seeto yu jutiritibou.

Advertencias y saludos finales

13 ¹ Yucucã mũa tũpu yu cãããpe mena itiani mujaare yu tũju aãgu yua. Dio ye queti ucarica pũuro ocõo bairo ï ucarique ã: Pugarã o itiarã apeĩ cu cátajere catũjũricarã jĩcarore bairo na cabuoirijere apirã, “Cariape írãma,” ï majirique ã. ² Cajũgoyepũ mũa tũpu ãcu caroorije cãnare yu cabuiotũgawũ mere. To bairi mũa nipetirore yu cabuiowũ. Yucucã quenare yoaropũ anibacu quena yu ïnemo tunu. Cabero mũa tũpu aãcu noo caroorijere cãnare mairique mena caroaro na yu buionemoquetigũ. Tutuaro maca na yu buiogũ. ³ To bairo yu cabairo cariapena Jesucristo yu mena cu cãniere mũa tũju majigarã. Yu jũgori buiomi Cristo mũa quena. Mujaare buioũ caocabũtiquẽcũre bairo mee buiomi Cristo. Cu catutua majirije macare mujaare ïnoomi. ⁴ Cariapena yu ï. Cristo caocabũtiquẽcũre bairona cabaiyupi, yucu tẽorica pãipũ cũre na capapua jĩaro. Ti paũpũre caocabũtiquẽcũre bairona cabairicu anibacu quena yucucã catĩnucucõami, Dio cu catutuarije mena. Jã quena cu cabairicarore bairona catutuaquẽna jã ã. To bairo catutuaquẽna anibana quena cu mena macana aniri catutuarã jã ã yua. To bairi mũa tũpu ejarã seeto mujaare cabuio ocabũti majirã jã anigarã.

⁵ ¿Jesucristore caapi núcubũgorã majuu mani ãti? írã, mũa majuuuna mũa cáti aniere tũju bejeja mũaaa. Mũa majuuuna to bairona caroaro tũgoonãña. Jesucristo mũa mena cu cãmata cu cabooreijere mũa ána. Mũa mena cu cãniquẽpata jocarãna, “Jesure caapi núcubũgorã jã ã,” mũa írã. ⁶ “Jesu ye quetire cariape cabuioã ãma,” järe mũa caĩ núcubũgorije macare jã boo. ⁷ Caroorijere átirema írã Diore jã jenibojanucu mujaare. “Caroa jetore cána ãnama,” jã macare na ïato írã mee to bairo jã jeniboja. Mũa cátipe macare tũgoonãri, caroaro na áparo írã to bairo jã jeniboja mujaare. Jicaarã, “Caroaro átiquẽema Pablo jãa,” järe ígarãma. To bairo na caĩbato quena ñũugaro. ⁸ Cariape cána macare ricati wame jã áti majiquẽe jãa. Netobujaro cariape na cátiparore bairo maca jã átinemo maji. ⁹ “Caocabũtiquẽna ãma,” järe na caĩbato quena jã wariñuu, cariape cãniere cáti ocabũtirã mũa cãno maca. To bairi nipetiro cariape jeto seetobũa mũa cáti nutuaparore bairo Diore jã jeniboja mujaare. ¹⁰ Mũa tũpũre aãgu jũgoye ati pũuro tutuaro mujaare yu uca joo, tũpu ejaũ tutuaro mena

mɔ̃jaare rotigaquẽcu. Mani Ʋpaũ Dio seetobɔ̃ja mɔ̃ja canɔ̃cubɔ̃gopere bou yɔ̃ cabuio rotiwĩ. Dio ye quetire, cariape macajere na apiba yajioato ñi mee yɔ̃ cabuio rotiwĩ Dio.

¹¹ Yɔ̃ yarã, to cõona mɔ̃jaare yɔ̃ caĩ uca joorije ã. Cariape jeto ája. Mɔ̃jaare yɔ̃ caĩ buio uca joorijere apiɔ̃jaya. Jĩcarore bairo tɔ̃goõnarique cɔ̃ja. Ame tutirique manona, jĩcaro mena ãña. Dio manire camaii, jĩcaro mena mani cãno cácu mɔ̃ja mena anigumi. ¹² Caroaro ame mairique mena ame ñuu rotiri ame tɔ̃jɔ̃nucuña. ¹³ Mani yarã nipetiro Jesucristore canɔ̃cubɔ̃gorã ñuu rotima mɔ̃jaare.

¹⁴ Mani Ʋpaũ Jesu caroare mɔ̃jaare cu joato. Dio mɔ̃jaare camaii mɔ̃ja mena cu ãmaro. Cu Espíritu Santo quena mɔ̃ja nipetiro mena caroaro cu ãmaro. To bairona to baiato.

To cõona yɔ̃ Pablo mɔ̃jaare yɔ̃ uca joo.